



Pessijááh hästih kievrâmuu vuoigâdvuodâ

Taan kiidâ mij lep čuávum čáitálduv, mii lii lamaš siämmást uáli tuodâlâš. Stuorrâvääldih láá spellâm Ukraina kolgâmuššáin ovdâsmaņas. Vyeimipolitiik lii puáttám maasâd Euroopan Ruošâ volliittensuádi miel, já tot sunde oro ain juátkimin.

Mij suogârdep Suomâst tääl tom, ete pyehtip-uv mij lyettid jieččân kuoimij torjui epivises maailmtiileest. Ko mij poollâp kievrâmui vyeimi, te mist Suomâst torvottesvuodâ vuáttamuš lii lasanâm jotelávt.

Pessijái toovláš "čáitáldâh" lii tot-uv osko peht tuotâ jyehi ristâlâžžân. Jeesus puátá Jerusalemân vyeligâžžân aasiijn raccastmáin. Sun porá pessijâšmáállás aldemui ulmuiguin, mutâ sun piättoo. Sii luovâtteh suu vajaláid, adeleh tuommid suu puástu agâiguin, cáimih suu ruáskáin já viijmâg nävlejev suu kiddâ riistân. Tai ärttigis tábáhtusâi loopân Jeesus ciälkká liijká riistâst saaniid: "Tot lii olášuttum." (Joh. 19: 30)

Puoh hiäpášitem, kieldâm já puástuvuotâ te koolgâi olášud. Puoh toos Jeesus iätá: "Tot lii olášuttum." Jeesus päälgis koolgâi jotteed vyellin, nuuvt ete olmoošvuodâ sevñâdumos-uv suoivuuh šoddii sunjin uápisin.

Kosmisii tábáhtuskuálusist Eeči Immeel vuolgât Kaandâs feerid puoh tom, vâi Immeel styeresvuotâ čuovviiččij eidu hiäjuvuodâst. Vâi Immeel puáđáččij ulmuu piällás. Já vâi mist ulmuin ličij piäluštâs, sovâttâs já lonástâs Jeesus já suu pajaspajanem peht Eeji kulen.

Kievrâvuotâ já hiäjuvuotâ lonotteh sojjidis pessijâšmuštâlusâst. Kievrâvuodâ čäittih hiäjuvuotâ já jieijâs kolgâmuš tuhhiitem. Hiäjuvuodâ čäittih Rooma já puárásumosij räädä vyeimipolitiik.

"Tot lii olášuttum." Jeesus Kristus lii jieijâs kieldâmâššáin já jämimijn valmâštâm mijjân palgá piäluštâsân Eeji luus. Taam saavâ mun halijdâm sirded tunjin uđđâsist meid tai pessijái 2025.

Jukka Keskitalo
Oulu pispekode pispe